

**PEMBERITAHUAN PERTANYAAN DEWAN RAKYAT  
JAWAPAN OLEH Y.B. DATUK SERI DR S SUBRAMANIAM  
MENTERI KESIHATAN MALAYSIA**

**PERTANYAAN : BUKAN LISAN**

**DARIPADA : YB DATUK RAIME BIN UNGGI [ TENOM ]**

**SOALAN :**

**YB DATUK RAIME BIN UNGGI [ TENOM ]** minta **MENTERI KESIHATAN** menyatakan langkah-langkah yang diambil oleh pihak Kementerian untuk memastikan bahan-bahan makanan import tidak mengandungi radiasi dan selamat untuk di makan.

**Tuan Yang di-Pertua,**

Kementerian Kesihatan Malaysia (KKM) memandang serius perkara ini. Bagi memastikan bahan-bahan makanan import tidak mengandungi cemaran bahan radioaktif dan selamat untuk dimakan, serta pengguna di negara ini tidak terdedah kepada risiko kesihatan akibat pencemaran bahan radioaktif, KKM menjalankan pemantauan ke atas makanan import khasnya dari negara yang pernah berlaku insiden letupan atau kebocoran logi reaktor nuklear.

Setakat ini KKM telah mengambil sebanyak 433 sampel makanan import di pintu-pintu masuk negara sejak tahun 2011 bagi pengesanan bahan radioaktif dan dianalisis oleh Agensi Nuklear Malaysia, Kementerian Sains, Teknologi dan Inovasi. Ke semua sampel menunjukkan keputusan yang negatif. Tahap radioaktif yang dibenarkan adalah berdasarkan standard yang ditetapkan oleh *Codex Alimentarius Commission*.

KKM akan terus menjalankan aktiviti pemantauan yang berterusan ke atas makanan import bagi memastikan ia tidak mengadungi bahan radioaktif melebihi paras yang dibenarkan.